

N A C R T

Na osnovu člana 24. stav 1. tač. c) Ustava Tuzlanskog kantona («Službene novine Tuzlansko-podrinjskog kantona», broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____, d o n o s i:

Z A K O N

o izmjenama i dopunama Zakona o termoenergetskoj inspekciji

Član 1.

U Zakonu o termoenergetskoj inspekciji Tuzlanskog kantona („Službene novine Tuzlanskog kantona“, broj: 13/01), u članu 5. stav 1. alineja 4. iza riječi: „tečne“ dodaju se riječi: „komprimirane i pod pritiskom rastvorene“.

Član 2.

Član 6. mijenja se i glasi:

„Za inspektora može se postaviti lice koje pored uslova propisanih zakonom ima završen fakultet, odnosno VII stepen stručne spreme mašinskog smjera, sa položenim stručnim ispitom iz oblasti mašinstva i radnim iskustvom od najmanje 3 godine na poslovima proizvodnje, ugradnje ili eksploatacije termoenergetskih postrojenja“.

Član 3.

Član 7. briše se.

Član 4.

U članu 17. stav 1. u drugom redu riječ: „ministru“ zamjenjuje se riječju: „Ministarstvu industrije, energetike i rudarstva Tuzlanskog kantona“, a broj : „15“ zamjenjuje se brojem: „8“.

Član 5.

U članu 19. stav 1. u drugom redu i stavu 2. u prvom redu riječi: „privredni prestup“ zamjenjuju se riječju: „prekršaj“.

Član 6.

U članu 20. stav 1. mijenja se i glasi :

„Novčanom kaznom od 500,00 KM do 5.000, 00 KM kaznit će se pravno lice za prekršaj:“

U stavu 2. istog člana riječi: „ili fizičko lice“ brišu se.

U članu 20. iza stava (2) dodaje se novi stav (3), koji glasi:

„(3) Za prekršaj iz stava 1. ovog člana kaznit će se i fizičko lice novčanom kaznom od 200,00 KM do 1.000,00 KM. „

Član 7.

Ovaj Zakon stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
S K U P Š T I N A

PREDSJEDNIK
Skupštine Tuzlanskog kantona
Amir Fazlić

Broj:

Tuzla, _____ . godine

O B R A Z L O Ž E N J E

uz Zakon o izmjenama i dopunama Zakona o elektroenergetskoj inspekciji

I – Ustavni osnov za donošenje Zakona

Ustavni osnov za donošenje Zakona o izmjenama i dopunama Zakona o elektroenergetskoj inspekciji Tuzlanskog kantona sadržan je u članu 24. stav 1. tač. c) Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), kojim je propisano da Skupština Tuzlanskog kantona donosi zakone i druge propise neophodne za izvršavanje nadležnosti Kantona.

II – Razlozi za donošenje Zakona i obrazloženje predloženih pravnih rješenja

Donošenjem Zakona o izmjenama i dopunama Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 10/05) koji je stupio na snagu 10.12.2005. godine, Kantonalnoj upravi za inspeksijske poslove kao samostalnoj kantonalnoj upravi dato je u nadležnost da vrši upravne i stručne poslove inspeksijskog nadzora u cilju osiguranja izvršavanja zakona, drugih propisa i općih akata iz svoje nadležnosti, kao i da obavlja inspeksijske poslove iz nadležnosti kantona, tako da u nadležnosti Ministarstva industrije, energetike i rudarstva Tuzlanskog kantona nije više inspeksijski nadzor nad elektroenergetskim objektima i postrojenjima, nego je nadležnost tog ministarstva samo da rješava žalbe izjavljene protiv rješenja elektroenergetskog inspektora, te je to osnovni razlog za izmjene Zakona o elektroenergetskoj inspekciji.

Radi usklađivanja sa normativnim promjenama u članu 3. Zakona o elektroenergetskoj inspekciji predložene su izmjene tako da se umjesto Ministarstva industrije, energetike i rudarstva Tuzlanskog kantona predviđa da poslove inspeksijskog nadzora vrši „Kantonalna elektroenergetska inspekcija“, a takođe su u istom članu izmjenjene riječi: „shodno Zakonu o kantonalnoj upravi („Službene novine Tuzlanskog kantona“, br.1/99 i 2/99), iz razloga što je Zakon o kantonalnoj upravi („Službene novine Tuzlansko-podrinjskog kantona“, broj: 1/99) prestao da važi Zakonom o prestanku važenja Zakona o kantonalnoj upravi („Službene novine Tuzlanskog kantona“, br.10/05). Stav 2. člana 3. se briše iz razloga što je stavom 1. istog člana predviđeno da poslove inspeksijskog nadzora vrši Kantonalna elektroenergetska inspekcija. Zbog davanja u nadležnost inspeksijskog nadzora nad elektroenergetskim objektima i postrojenjima Kantonalnoj upravi za inspeksijske poslove, a koji je ranije bio u nadležnosti ovog Ministarstva, u članovima: 7., 9., 11., 12. i 14. stav 1. i 15. Zakona o elektroenergetskoj inspekciji predviđeno je da se riječ: „Ministarstvo“ zamijeni riječju: „inspekcija“.

U članu 5. osnovnog Zakona se definišu potrebni uslovi za postavljenje inspektora dok su opšti uslovi za obavljanje poslova inspektora decidno utvrđeni odredbom člana 53. važećeg federalnog Zakona o inspekcijama prema kojoj svi inspektori pored visoke stručne

spreme odgovarajućeg smjera, radnog iskustva i stručnog upravnog ispita, odnosno ispita općeg znanja moraju imati i položen stručni inspektorski ispit.

U članu 12. u stavu 2. predložena je izmjena tako da se riječ: „ministru“ zamjenjuje riječju: „Ministarstvu“, jer smatramo da žalbu treba izjaviti Ministarstvu, a ne ministru.

Takođe su u članu 14. u stavu 1. i u stavu 2. predložene izmjene tako da se riječi: „privredni prestup“ zamjenjuje riječju: „prekršaj“.Ovo iz razloga što je odredbom člana 83. stav (3) Zakona o prekršajima Federacije Bosne i Hercegovine („Službene novine Federacije BiH“, broj: 31/06) propisano da danom početka primjene tog Zakona prestaje da važi Zakon o privrednim prijestupima („Službene novine Federacije BiH“, br. 6/95), da se privredni prijestupi propisani zakonom smatraju prekršajima i da će se postupak voditi prema odredbama tog Zakona.

U članu 15. predložena je izmjena stava 1. tako da će se novčanom kaznom za prekršaje od 500,00 do 5.000, 00 KM kazniti privredno društvo ili drugo pravno lice, a u istom članu predložena je dopuna Zakona novim stavom tako što će se za prekršaj iz stava 1. istog člana kazniti i samostalni privrednik – obrtnik novčanom kaznom od 200,00 – 1.000,00 KM.

U stavu 1. člana 15. osnovnog Zakona bila je predviđena ista novčana kazna i za pravno lice i za samostalnog privrednika – obrtnika kao fizičko lice. Međutim, odredbom člana 11. stav 4. i 5. Zakona o prekršajima Federacije BiH utvrđen je raspon novčane kazne u okviru minimuma i maksimuma koja se može izreći fizičkom licu, a to je od 20,00 KM do 1.500, 00 KM, pa se iz tog razloga predlaže različita novčana kazna za pravno lice i za fizičko lice.

Predloženo je brisanje i člana 16. postojećeg zakona koji glasi : „ Do donošenja novih podzakonskih propisa iz oblasti elektroenergetske inspekcije primjenjivat će se podzakonski propisi koji su na snazi u Federaciji“.Brisanje je predloženo iz razloga što se ovim zakonom ne može utvrđivati ponovo obaveza primjene federalnih podzakonskih propisa jer je ta obaveza već utvrđena od strane Federacije.

III Finansijska sredstva za realizaciju Zakona

Za realizaciju ovog Zakona nisu potrebna dodatna finansijska sredstva iz Budžeta Tuzlanskog kantona.

Tuzla, Januar 2008. godine

P R E D L A G A Č:

VLADA KANTONA

O B R A Z L O Ž E N J E

uz Zakon o izmjenama i dopunama Zakona o izmjenama i dopunama Zakona o termoenergetskoj inspekciji

I – Ustavni osnov za donošenje Zakona

Ustavni osnov za donošenje Zakona o izmjenama i dopunama Zakona o termoenergetskoj inspekciji Tuzlanskog kantona sadržan je u članu 24. stav 1. tač. c) Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i „Službene novine Tuzlanskog kantona“, broj: 13/99, 10/00, 14/02, 6/04 i 10/04), kojim je propisano da Skupština Tuzlanskog kantona donosi zakone i druge propise neophodne za izvršavanje nadležnosti Kantona.

II – Razlozi za donošenje Zakona i obrazloženje predloženih pravnih rješenja

Osnovni razlog za izmjene i dopune Zakona o termoenergetskoj inspekciji Tuzlanskog kantona („Službene novine Tuzlanskog kantona“, broj: 13/01) je donošenje Zakona o izmjenama i dopunama Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 10/05) kojim je dato u nadležnost Kantonalnoj upravi za inspeksijske poslove da kao samostalna kantonalna uprava vrši inspeksijski nadzor i obavlja inspeksijske poslove iz nadležnosti kantona.

U članu 5. stav 1. alineji 4. predložena je dopuna Zakona tako što se inspektoratu termoenergetike stavlja u nadležnost da vrši sve poslove inspeksijskog nadzora na termoenergetskim postrojenjima među kojima su skladišni rezervoari za tečne, komprimirane i pod pritiskom rastvorene plinove. Razlog dopune ove alineje je da se kompletira područje nad kojim termoenergetski inspektor vrši inspeksijski nadzor, jer je u članu 5. osnovnog Zakona izostavljena riječ: „komprimirane i pod pritiskom rastvorene“, iako je članom 4. istog zakona propisano da se pod termoenergetskim postrojenjima podrazumijevaju stabilna i pokretna postrojenja komprimiranih, tečnih i pod pritiskom rastvorenih plinova.

Predlaže se dopuna člana 6. osnovnog Zakona kojim se utvrđuju posebni uslovi za obavljanje poslova inspektora, iz istih razloga zbog kojih smo predložili dopunu člana 5. iz osnovnog Zakona o elektroenergetskoj inspekciji.

Takođe je predloženo brisanje i člana 7. prema kojem se organizacija termoenergetske inspekcije utvrđuje ovisno od obima, vrste i prirode poslova koji proizilaze iz utvrđenog djelokruga organa uprave u čijem su sastavu, a obzirom da termoenergetska inspekcija nema svoju unutarnju organizaciju, nego predstavlja dio Kantonalne uprave za inspeksijske poslove, smatramo da je član 7. nepotreban.

U članu 17. stav 1. predviđeno je da se mijenja riječ: „ministru“ iz razloga što je osnovnim zakonom bilo propisano da se žalba na rješenje kantonalnog inspektora termoenergetike može izjaviti ministru. Međutim, smatramo da bi trebalo žalbu izjaviti Ministarstvu industrije, energetike i rudarstva Tuzlanskog kantona, pa je iz tog razloga predložena izmjena. U istom članu rok za podnošenje žalbe bio je 15 dana, a predlaže se da taj rok bude 8 dana, iz razloga što se u praksi pokazalo da se nekada javljaju slučajevi koje treba riješiti što prije, pa smatramo da bi rok od 8 dana za izjavljivanje žalbe bio dovoljan.

U članu 19. stav 1. u drugom redu i stavu 2. u prvom redu predlažu se izmjene riječi: „privredni prestup“ riječju: „prekršaj“, iz razloga što je odredbom člana 83. stav (3) Zakona o prekršajima Federacije Bosne i Hercegovine („Službene novine Federacije BiH“, broj: 31/06) propisano da danom početka primjene tog Zakona prestaje da važi Zakon o privrednim prijestupima („Službene novine Federacije BiH“, br. 6/95), da se privredni prijestupi propisani zakonom smatraju prekršajima i da će se postupak voditi prema odredbama tog Zakona.

Takođe je u članu 20. predložena izmjena stava 1. tako da će se novčanom kaznom od 500,00 do 5.000,00 KM kazniti pravno lice za prekršaj, a u istom članu dodat je novi stav (3) prema kome će se kazniti i fizičko lice za prekršaj iz stava 1. ovog člana novčanom kaznom od 200,00 do 1.000,00 KM. Ovo je predloženo iz razloga što je Zakonom o prekršajima Federacije BiH („Službene novine FBiH, broj: 31/06) propisana novčana kazna za fizičko lice koja je različita od novčane kazne za pravno lice, pa se pravno i fizičko lice ne mogu kazniti istom novčanom kaznom, kako je to bilo ranije utvrđeno u članu 20. osnovnog Zakona.

III Finansijska sredstva za realizaciju Zakona

Za realizaciju ovog Zakona nisu potrebna dodatna finansijska sredstva iz Budžeta Tuzlanskog kantona.

Tuzla, Januar 2008. godine

P R E D L A G A Ć:

VLADA KANTONA